



Pripadnici SIPA-e u Mostaru uhapsili „kralja prevara“ iz Hrvatske

Radovan Štetić umiješan u aferu tešku 3,2 miliona kuna

Štetić se sumnjiči da je pomogao Josipu Klemu, direktoru i vlasniku "Klemm security"

Iz izvora bliskih Državnoj agenciji za istragu i zaštitu (SIPA) "Avaz" saznaje da je preksinoć u Mostaru uhapšen Radovan Štetić, poznatiji kao „kralj prevara“ u Hrvatskoj.

Podizao novac

On je uhapšen po međunarodnoj potjernici koju je prije nekoliko mjeseci izdao Interpol u Zagrebu.

Štetić je osumnjičen da je pomogao Josipu Klemu (Klemm), direktoru i vlasni-

ku preduzeća "Klemm security", jedne od najvećih zaštitarskih firmi u Hrvatskoj. Riječ je o aferi teškoj 3,2 miliona kuna.

On je mjesecima bio van dometa hrvatskom pravosuđu. U priči o Klemu, Štetić se sumnjiči da je pronalazio ljude koji su osnivali razna trgovačka društva.

Tim trgovačkim društvima, odnosno ljudima koje je Štetić postavio na mesta odgovornih osoba, "Klemm security" je potom is-

plaćivao novac za fiktivne usluge, a nakon što je novac bio isplaćen, Štetić ga je, kako se sumnja, podizao i vraćao Klemu.

Čeka ekstradiciju

Da takav način poslovanja Štetiću nije stran, svjedoči i kazna od tri godine zatvora, koja mu je krajem prošle godine izrečena zbog optužbi da je ustrojio zločinačku grupu koja se bavila prevarama i krivotvorenjem isprava.

Šteta u toj priči u kojoj je, osim Štetića, optuženo još petnaestak osoba, također je bilatiri miliona kuna.

Nakon kriminalističke obrade u službenim prostorijama SIPA-e, Štetić je predat Sudu BiH na daljnje postupanje radi ekstradicije.

SIPA nastavlja aktivnosti na ovom predmetu radi rasvjehavanja svih okolnosti u vezi s boravkom i pružanjem utočišta navedenoj osobi na teritoriji BiH.

M. Aš.



Interpol Zagreb raspisao potjernicu za Štetićem